



PARLIMEN MALAYSIA



RANG UNDANG-UNDANG
Bandaraya Kuala Lumpur 1971
DR.101/1971

RANG UNDANG²*bernama*

Suatu Akta bagi membuat peruntukan berkenaan dengan perubahan gelaran dan perkara² lain yang berbangkit dan penganugerahan taraf Bandaraya kepada Perbandaran Ibu Kota Kuala Lumpur.

[1hb Februari, 1972.]

MAKA INI-LAH DI-PERBUAT UNDANG² oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Ra'ayat yang bersidang dalam Parlimen, dan dengan kuasa daripada-nya, seperti berikut :

1. Akta ini boleh-lah di-namakan Akta Bandaraya Kuala Lumpur, 1971 dan hendak-lah mula berkuatkuasa pada 1 haribulan Februari, 1972.

Tajok ringkas dan mula berkuatkuasa.

2. Perbadanan yang di-tubuhkan di-bawah Ordinan Perbandaran Negeri² Selat dan di-namakan "Perbandaran Ibu Kota Kuala Lumpur" dan di-tadbir di-bawah Akta Ibu Kota, 1960 hendak-lah di-namakan "Bandaraya Kuala Lumpur" atau "the City of Kuala Lumpur".

Perubahan gelaran.
N.S. Bab 133.
Akta No. 35/60.

3. (1) Mula berkuatkuasa-nya Akta ini tidak-lah menyentoh pendirian Pesuruhjaya Ibu Kota atau mana² orang lain yang di-lantek atau di-namakan dengan sah, mengikut mana yang berkenaan, pada tarikh mula berkuatkuasa-nya Akta ini bagi memegang jawatan Pesuruhjaya atau jawatan² lain dan mula² dari tarikh tersebut Pesuruhjaya itu atau orang² lain yang masing² memegang jawatan itu hendak-lah mempunyai dan menjalankan segala hak, kewajipan, kuasa dan keistimewaan yang dahulu-nya di-punya² oleh mana² jawatan itu di-bawah Akta Ibu Kota, 1960 atau mana² undang² bertulis lain atau mana² undang² kechil yang di-buat di-bawah-nya sa-olah² Akta ini tidak di-jadikan undang².

Mengechualikan hak² dan kewajipan² Pesuruhjaya dan orang² lain.

(2) Tiada apa² jua dalam Akta ini boleh menyentoh sah-nya atau kuatkuasa apa² tindakan, pembicharaan, pindahak, pindahmilek, suratikatan, urusan atau apa² jenis perbuatan bona fide yang telah di-ambil, di-buat atau di-lakukan sa-belum sahaja Akta ini mula berkuatkuasa oleh atau terhadap atau atas nama atau bagi pihak Perbandaran Ibu Kota Kuala Lumpur.

Pindaan
kapada
gelaran².

4. Melainkan jika ada sa-suatu yang tidak bersesuaian dalam perkara atau kandungan ayat-nya, dalam tiap² undang² bertulis—

(a) sebutan mengenai “Perbandaran Ibu Kota Kuala Lumpur” hendak-lah di-tafsirkan sa-bagai sebutan mengenai “Bandaraya Kuala Lumpur” atau “the City of Kuala Lumpur”;

(b) sebutan mengenai “Pejabat Perbandaran” atau mengenai “Pejabat Pesurohjaya” hendak-lah di-tafsirkan sa-bagai sebutan mengenai “Dewan Bandaraya” atau “the City Hall”;

(c) sebutan mengenai “Perbandaran” berhubung dengan Ibu Kota Kuala Lumpur hendak-lah di-tafsirkan sa-bagai sebutan mengenai “Bandaraya” atau “City”; dan

(d) sebutan mengenai “Pesurohjaya Ibu Kota Kuala Lumpur” hendak-lah di-tafsirkan sa-bagai sebutan mengenai “Dato Bandar Kuala Lumpur” atau “the Commissioner of the City of Kuala Lumpur”.

Kuatkuasa
Akta No.
35/60.

5. Kechuali sa-bagaimana di-peruntokkan terdahulu dari-pada ini, tiada apa² jua dalam Akta ini boleh menyentoh kuatkuasa Akta Ibu Kota, 1960.

HURAIAN

Rang Undang² ini bertujuan untuk membuat pindaan yang berbangkit dengan sa-chara umum kapada undang² yang sedia ada berhubung dengan Ibu Kota Kuala Lumpur ia-itu Ordinan Perbandaran Negeri² Selat (N.S. Bab 133) dan Akta Ibu Kota, 1960. Rang Undang² ini akan menjadi undang² apabila taraf Perbandaran Ibu Kota Kuala Lumpur di-naikkan kapada taraf Bandaraya.

Fasal 3 dalam Rang Undang² itu mengadakan peruntukan bagi mengechualikan hak dan kewajiban semua orang yang di-lantek untuk mentadbirkan Ibu Kota sa-lepas perubahan taraf-nya sa-bagaimana tersebut di-atas. Fasal ini juga mengechualikan sah-nya dan kuatkuasa apa² tindakan, pembicharaan atau pindahak yang di-jalankan sa-belum sahaja undang² yang di-chadangkan mula berkuatkuasa.

Fasal 4 Rang Undang² itu mengadakan peruntukan bagi membuat pindaan yang berbangkit dengan sa-chara umum kapada sebutan mengenai Perbandaran Ibu Kota Kuala Lumpur dan Pesuruhjaya Ibu Kota Kuala Lumpur dan sebutan² kechil yang lain. [PN. 3030.]



RANG UNDANG2 BANDARAYA KUALA LUMPUR, 1971

Pindaan yang akan di-chadangkan dalam
Jawatankuasa oleh Yang Berhormat
Menteri bagi Teknologi, Penyelidikan
dan Kerajaan Tempatan

1. Fasal 3(2) - Potong perkataan "sahaja" yang terdapat
dalam baris 5.

HURAIAN

Ini ada-lah sa-mata2 pindaan penggobalan sahaja.

CITY OF KUALA LUMPUR BILL, 1971

Amendment to be moved in Committee by the
Hon'ble Minister of Technology, Research
and Local Government

1. Clause 3(2) - Delete the word "immediately"
appearing in line 4.

EXPLANATORY STATEMENT

This is merely a drafting amendment.